

Lus Cev

Muaj dab tsi los tom qab uas koj muab koj cov khib nyiab tso rau hauv lub thoob khib nyiab me los sis lub thoob khib nyiab loj? Ib lub tsheb thauj khib nyiab yuav muab cov khib nyiab ntawd thauj mus rau ib qho chaw hlawv khib nyiab (resource recovery facility) los sis ib qho chaw faus khib nyiab (landfill).



Ib qho chaw hlawv khib nyiab yog ib qho chaw uas lawv hlawv cov khib nyiab kom tsim tau fais fab, lawv hlawv li no lawv yeej ceev faj kom tsis txhob ua li cas rau tej huab cua.



Ib qho chaw faus khib nyiab yog ib lub qhov loj loj uas lawv tau muab ntaub yas pua sab haud thiab muaj ib co kav hlau uas cug cov kua liam sim kom thiaj pov hwm cov dej uas peb siv. Ib txhia chaw faus khib nyiab hauv Minnesota muab lawv cov khib nyiab faus thiab cug cov pa methane, ces siv cov pa methane ntawd los tsim fais fab. Thaum twg rov qab siv (reuse) tsis tau cov khib nyiab los sis hloov tsis tau ua lwm yam (recycle) los sis lwj tsis tau los ua chiv (compost) lawm ces yuav muab los ua fais fab es qhov no yog ib qho kev siv cov khib nyiab no rau ib qho zoo.




Yuav nkim cov khoom thaum yus muab cov khoom siv los hlawv los sis muab faus uas yus tseem rov qab siv tau. Thaum twg peb tsis ceev faj saib xyuas cov khoom uas peb muab pov tseg, peb yuav muab tau tej khoom uas peb rov qab siv tau los sis muab hloov ua lwm yam tau pov tseg lawm. Yog tias peb saib tej khib nyiab uas lub tsheb thauj khib nyiab tuaj thauj mus, peb yuav pom tau ntau yam uas peb tseem rov qab siv tau los sis muab hloov ua lwm yam tau.



Peb kuj muab ntawv ntau heev hloov ua lwm yam, tiam sis peb tseem muab tau ntawv ntau heev pov tseg lawm thiab. Peb kuj muab cov hwj yas ntau heev hloov ua lwm yam, tiam sis peb tseem muab cov hwj yas ntau heev pov tseg lawm thiab. Tseem fww Xeev tau ntsuam xyuas tej khoom khib nyiab thiab pom tau tias 40% ntawm tej yam uas peb muab pov tseg tseem yog tej yam uas peb muab hloov ua lwm yam tau.



Siv nyiaj ntau kom thiaj thauj tau cov khib nyiab mus pov tseg, thiab thaum peb muab tej khoom uas peb tseem siv tau pov tseg, ces peb nkim nyiaj thiab nkim tej khoom siv no. Peb them nyiaj ntau txhua lub lim piam kom muab ib lub thooob khib nyiab loj pov tseg, ntau dua uas peb ua kom peb cov khib nyiab tsawg zog thiab siv ib lub thooob khib nyiab me zog.



Qhov zoo tshaj plaws yog sim ua kom “tsis txhob muaj khib nyiab hlo li,” kom lawv thiaj li tsis tas tuaj thauj khib nyiab mus. Hauv tej kev xyaum tom qab no koj yuav kawm saib koj ua tau dab tsi kom koj cov khib nyiab thiaj li tsawg zog, saib koj rov qab siv tau yam twg thiab saib koj muab yam twg hloov tau ua lwm yam.



Thov pab peb thiab kom cov khib nyiab uas peb muab pov tseg tsawg zog. Tseem ceeb heev kom ceev lub xeev Minnesota cov pa thiab cov dej kom huv npaum li huv tau thiab tshwj peb tej khoom siv puag ncig tseg cia rau peb cov me nyuam thiab cov me nyuam xeeb ntxwv.

